

# O Auala e 5 e Tu Atu Ai i Tagata Faasaua

E mafai ona taufaafefe le feagai ai ma se tagata saua. Ae ua ia te oe le faataitaiga atoatoa a Iesu Keriso e mulimuli ai, ma ua ia te oe Lona malosi e faatasi ma oe. Pe a agaleaga se tasi ia te oe po o isi, e mafai ona e tu atu mo le mea sa'o! O auala nei e lima:

## 1.

**Ta'u atu i le tagata e taofi.** I se leo mausali, ta'u atu i le tagata e taofi le faia o oe po o se isi tagata ma le agaleaga. Mafaufau i taimi na tu atu ai Iesu Keriso i tagata o e sa agaleaga atu ia te Ia ma isi (tagai Ioane 8:3–11). O le a fesoasoani o Ia ia te oe e fai lena lava mea.

## 2.

**Savali ese.** O nisi taimi o le savali ese o le mea aupito lototele lea e mafai e se tagata ona fai. Manava loloa ma savali ese. Afai e te vaai i se tasi o sauaina, alu atu ma fai atu ia i latou e o mai faatasi ma oe, ma savavali ese faatasi.

## 3.

**Tatalo.** O le tatalo e matuai mamana lava! Tatalo mo le lototele ma le agaalofa. Atonu e ese lava, ae tatalo foi mo le tagata faasaua! "Tatalo i lou Tama Faalelagi," na saunoa ai Elder Neil L. Andersen. "... O le a Ia tatalaina oe i mea e fai. O le a Ia tatalaina faitotoa, aveese maagao, ma fesoasoani ia te oe e faatoilalo faafitauli."\*

## 4.

**Manatua lou taua o se atalii/afafine o le Atua.** E le afaina po o le a le tala a soo se tasi e fai atu ia te oe pe e uiga ia te oe—o le a le suia ai lava le tele o le alofa o le Tama Faalelagi ia te oe. Ia faalatalata atu lenei upumoni i lou loto, ma o le a e lagonaina le malosi tele atu ma le lototoa tele atu. Ia taulima foi isi, i taimi uma, o ni fanau a le Atua.

## 5.

**Ia agalelei.** E mafai ona avea oe ma se faataitaiga o le agalelei. Na aoao mai i tatou e Iesu Keriso o le auala sili lea e taulima ai ni tagata faasaua. "Ia outou alolofa atu i e ua ita mai ia te outou, ia outou faamanuia atu i e ua fetuu mai ia te outou, ia outou agalelei atu i e ua inoino mai ia te outou, ia outou tatalo foi mo e ua tuuai fua mai ma faasaua mai ia te outou" (Mataio 5:44)



ATA NA TJUSIA E MARK ROBISON

\*"O se Vavega Lava," Liahona, Me 2013, 80.